

geli, ut vult Richardus Victorinus; vel potius B. Virgo. Ita S. Bernardus, serm. *de Beat. Mar.*: « De throno, ait, procedebant fulgura, et voces, et tonitrua quia mater filii Iesu Christi parabolas, enigmata, legalia et mirifica gesta, dicta et opera avidius ebbit, fidelius creditit, sincerius luculentiusque aliis edit. »

Alii distinctius per fulgura accipiunt B. Virginis miracula; per voces, blondas cohortationes; per tonitrua, increpationes, minas gehennæ, ultiones et supplicia hostibus suis et impiis ab ea inficta. Hinc B. Virgo a S. Epiphanio, serm. *de Laud. Deiparæ*, vocatur « thronus cherubim ».

Scripsit hac de re opus ingenuum, pium æque ac eruditum noster P. Outonius Spinellus, provincialis Neapolitanus, cuius titulus est « Maria Deipara thronus Dei. »

17º QUANTA ILLI OB MATERNITATEM DIVINAM DATA
SIT GRATIA ET COGNITIO.

IX
637
2

*Dixit mihi creator omnium: Et qui creavit me re-
quievit in tabernaculo meo.* (Eccli. xxiv, 12.)—Quemadmodum ex unione humanitatis Christi cum Verbo, colligimus, naturali quadam consecutione, datam esse illi infinitam gratiam capitum, et impeccabilitatem, et omnem rationem merendi et satisfaciendi pro hominibus, tanquam mediatori et redemptori, et omnem scientiam et cognitionem eorum, usque ad cogitationes; denique omnia charismata, tanto uberiorius et excellentius quam aliis, quanto excellentius nomen capitum hæreditavit quam membra, et nomen

filii, quam ministri ejus angeli vel homines: sic etiam fateamur quasi naturali quadam consecutione, ex matris dignitate debitam illi immensam quamdam gratiam, qua facta est Dei gratia impeccabilis, advocata, mediatrix et redemptrix omnium hominum; et indita est illi cognitio eorum omnium requisita, et tam copiosa affluentia charismatum et donorum supernaturalium, quanto excellentior est mater servis et propinquior verbo quam cœteri, tam angeli quam homines.

Juxta hoc recte Methodius, orat. *de Purificatione*: « Euge, ait, euge quæ debitorem illum habes, qui omnibus mutuatur: Deo enim universi debemus; sibi autem etiam ille debet. Proinde qui dixit: honora patrem tuum et matrem tuam, ut is decretum a se promulgatum observat, et alios excedat, omnem matri et gratiam et honorem S. Cyprianus quoque, serm. *de Nativ. Christi*: « Matri, ait, plenitudo gratiae debebatur. »

18º AN VIDERIT TUNC DEI ESSENTIAM, ET ACCEPERIT
CLARAM REVELATIONEM SUÆ PRÆDESTINATIONIS ET
EXULTATIONIS SUPER OMNES ANGELORUM CHOROS.

VIII
32
2

*Quam pulchra es amica mea, quam pulchra es;
oculi tui columbarum, absque eo quod intrinsecus latet.* (Cant. iv, 1.)—Expertus per septem dotes columbae accipiens septem dona Spiritus sancti infusa B. Virginis, per τὸ intrinsecus latet accipit interna et ineffabilia lumina ac charismata eidem collata, quæ solus Deus videt. Si enim Paulus, inquit, « dixit raptum se fuisse in paradisum, sive usque ad tertium

cœlum, ita ut nesciat sive in corpore, sive extra corpus fuerit, et audisse arcana verba, quæ non licet homini loqui; quanto magis tu, Regina cœlorum, persœpe coelestibus interfuisti, quippe quam et circumsteterunt obstetricum vice gloriam Deo concinentes angeli, et inter hæc didicisti, vel assecuta es aliquid quod latet et latere non debet? »

Igitur sentit Rupertus B. Virginem raptam esse in tertium cœlum, et vidisse arcana mysteria, quæ non licet homini loqui perfectius et excelsius, quam Paulus. Quocirca B. Virginem subinde vidisse divinam Filii sui essentiam, uti vident beati in cœlo, præsertim in die incarnationis, nativitatis et resurrectionis Christi, multi probabiliter opinantur, uti S. Antoninus, Dionysius, Carthusianus, Gersonius, Cassalius, Medina et alii, quos citat et sequitur Franc. Suarez, III part. *quæst.* LXXXVII, art. 4, disp. 55 et 56, ubi hanc Dei visionem soli B. Virgini concedit; cœteris vero omnibus sanctis in hac vita, etiam S. Paulo et Moysi, adimit.

Rursum *quod intrinsecus latet* fuit interna et ineffabilis B. Virginis humilitas, virginitas, charitas, quæ externo modestiae, simplicitatis et paupertatis velo tecta, acrius coram Deo effulgurabat: hoc enim verbum ex sede Patris ad se attraxit, ut in se et ex se caro fieret.

Fiat mihi secundum verbum tuum. (Luc. 1, 38.) — S. Antoninus, IV part. tit. xv, cap. xvii, § 4 suspicatus B. Virginem in conceptione filii Dei vidisse Dei essentiam, utpote quam in se recipiebat, uti S. Augustinus, S. Thomas et alii dicunt eamdem vidisse S. Paulum in raptu. Et certe si Paulus eam vidit nulto magis eam vidit B. Virgo. Idem opinantur

Rupertus, *Cant. iv*, ad illa: « *Oculi tui columbarum;* » Dionysius, Carthusianus, in I, dist. XVI, *quæst.* II; Gerson, alphab. xv, tit. VIII; et S. Bernardus, serm. de Beat. virg., t. II, et hodie multi quoque Theologii idem sentiunt.

19º SOLA VERBI INCARNATIONEM, NATIVITATEM, VITAM
ET GESTA, PER EXPERIENTIAM OCULORUM COGNOVIT,
ET MAGIS MENTALEM.

Radix sapientiæ, cui revelata est? (Eccli. 1, 6.) — Allegorice, radix sapientiæ, est B. Virgo Deipara: hæc enim mater est Sapientiæ incarnatæ, puta Christi. Unde a Patribus vocatur et in litanis invocatur *radix sapientiæ*, quam Deus creavit in Spiritu sancto, ut dicam *v. g.* Hujus enim admirabilem conceptionem, nativitatem, præsentationem, vitamque angelicam in templo, annuntiationem, partum Verbi, etc., virtutes, dotes, prærogativas, excellentias, prudentiam et sapientiam nemo comprehendit; præsertim quia ipsa sola Verbi incarnationem nativitatem, infantiam, sapientiam, vitam et gesta per experientiam ocularem, auritam, sensibilem, et multo magis mentalem, puta, per illustrationem, intellectus, et ardores voluntatis sibi a Verbo intra se concepto, et jugiter sibi præsenti assidue immissos cognovit, eaque S. Lucæ, ut ea in evangelio conserberet, ac apostolis et fidelibus receperavit.

Unde S. Thomas, I part. *quæst.* 25, art. 6, ad. 4, quærens, an Deus possit creare creaturas perfectiores quam creavit, et illis rursum alias et alias perfec-

tiores in infinitum, respondet posse ; sed excipit tria, scilicet incarnationem Verbi, maternitatem Virginis Deiparæ, et beatitudinem nostram, quia sita est in visione et fruitione Dei. Hæc tria enim, cum Deum involvant, imo pro objecto habeant, hinc nihil iis potest a Deo fieri melius ; alioquin enim Deo aliquid esset præstantius. Quare sicut non potest esse perfectior homo, quam Christus, utpote homo Deus ; nec perfectior felicitas, quam visio et possessio Dei : sic nec perfectior a Deo potest fieri mater, quam mater Verbi, utpote Dei. « Quare haec tria, inquit, habent quamdam dignitatem infinitam ex bono infinito quod est Deus : et hac parte non potest aliquid fieri melius eis, sicut non potest aliquid melius esse Deo. »

Denique, ipsa est *radix sapientiae* : quia illam supereminentem a Deo sibi infusam, apostolis, ceterisque fidelibus, communicavit, et in dies se invocantibus communicat, ut communicavit S. Gregorio Thaumaturgo, jubens S. Joanni, ut illi traderet symbolum formulamque fidei, quam Origeni, Ario et hereticis opponeret. Item Alberto Magno, Ruperto abbatii Tuitensi, S. Thomæ Aquinati, aliis que pluribus. De hoc plura, cap. xxiv (Ecli. v, 6 et seq.)

2^a IN FILII SUI CONCEPTIONE PERFECTAM
SANCTIFICATIONEM ACCEPIT.

XII
823
1

Et ecce gloria Dei Israel ingrediebatur per viam orientalem. (Ezechiel. XLIII, 4.) — Mystice S. Thomas, III part. quæst. 27, art. 3 in corpore, docet B. Virginem peculiariter fuisse sanctificatam eo tempore,

quo concepit in utero Filium Dei : « Et hoc, inquit, significatur Ezechiel XLIII, ubi dicitur : *ecce gloria Dei Israel ingrediebatur per viam orientalem*, id est per B. Virginem ; et *terra*, id est caro ipsius, *splendebat a maiestate ejus*, scilicet Christi. » Tunc enim censem ipse in B. Virgine plane fuisse extinctum formitem concupiscentiae per verbum in ea incarnatum qui antea tantum erat ligatus. Verum hunc fomitem in ea extinctum fuisse dum primo conciperetur, adeoque tunc eam fuisse præservatam a peccato originali, et consequenter ab ejus fomite, longe verius videtur : estque hic communis fidelium sensus, uti docent Suarez, Baradius, Canisius et alii.

Hæc omnimoda puritas decebat matrem Dei ; quis enim credat matrem Dei aliquando fuisse servam peccati et filiam diaboli. Ipsa ergo in conceptione integrum sanctitatem, in incarnatione vero ingens sanctitatis incrementum a Christi sui maiestate accepit. Et hoc significat vox *splendebat* pro qua vertunt Septuaginta quia ἔστιλαμπεν ὁ; φωτός, id est *resplendebat quasi fulgor* (Complutensia vertunt *quasi fulgor*,) q. d. B. Virgo concipiens Christum ab eo illustrem sanctitatis splendorem et fulgorem accepit, quæ in primo sui conceptu ejusdem nitorem accepit, ut jam miro splendore fulguraret, quæ ante plane nitebat et lucebat.

Dixit autem Maria : Ecce ancilla Domini, fiat mihi secundum verbum tuum. (Luc. 1, 38.) — B. Virgo, in hac conceptione filii, exsumma accepit gratiæ augmentum et perfectam sanctificationem ; nec de hoc sine temeritate dubitari potest, ait Suarez, III part., disput. XVIII, sect. IV. Unde Beda, hom. de Visitatione : « Quis, inquit, dicere, quis æstimare sufficiat, qua

tune gratia Spiritum Dei genitricis replevit cum tanta in matre præcursoris lux boni cœlestis emicuit ? »

Causam dat S. Bernardus, tom. I, conclus. 6, art. I, cap. 12 : « Quod Deus, inquit, generaret Deum, nulla requirebatur in Deo dispositio, cum ei ex natura conveniret, ut per viam naturæ intellectus produceret Verbum per omnia sibi æquale; sed quod femina conciperet et pareret Deum, est et fuit miraculum; oportuit enim, ut sic dicam, feminam elevari ad quamdam æqualitatem divinam, per quamdam quasi infinitatem perfectionum et gratiarum, quam æqualitatem creatura nunquam experta est. Unde, ut credo, ad illam abyssum imperscrutabilem omnium charismatum Spiritus sancti, quæ in B. Virginem descenderunt in hora divinæ conceptionis, intellectus humanus vel angelicus nunquam potuerunt attingere. »

Subdit aliam deinde causam, quod scilicet esse matrem Dei sit dignitas quædam infinita, quæ sibi proportionatam gratiam requirit. « Ex his, inquit, colligi potest Virginem beatam in conceptione filii Dei consensu plus meruisse, quam omnes creature, tam angelos quam homines, in cunctis actibus, motibus, ac cogitationibus suis; nempe omnes qui meruerunt, nihil aliud potuerunt mereri, nisi secundum varios status et gradus, gloriam sempiternam: hæc autem Virgo in illo admirando consensu, meruit totalem fomitis extinctionem, dominium et primatum totius orbis, plenitudinem omnium gratiarum, omnium virtutum, omnium donorum, omnium beatitudinum, omnium fructuum spiritus, cunctarum scientiarum interpretationes sermonum, spiritus prophetæ, discretiones spirituum, operationes virtutum. Meruit fœ-

cunditatem in virginitate, maternitatem Filii Dei; meruit quod sit stella maris, porta cœli et, super omnia, quod regina misericordiae nuncupatur, ac talis nominis consequatur effectum. Unde merito, *Proverb.* cap. ultimo, de ipsa B. Virgine Salomon ait : *Multæ filiæ congregaverunt dñitias, tu supergressa es universas.* »

21º POST CONCEPTIONEM FILII DEI MIRABILITER IN SANCTITATE ET SAPIENTIA CREVIT.

Sicut cinnamomum et balsamum aromatizans, odorem dedit. (Eccli. xxiv. 20.) — Melius romana et cœtera græca legunt ἄσπαλθος ἀρωματών, *aspalathus aromatum*..... porro, aspalathus, arbor parvus, vel potius arbustum est redolens, præsertim apparente iride, uti tradit Plinius. lib XII, cap. xxiv, et Aristoteles, *in problem.* sect. 12 n° 3, ubi et hujus rei causam indagat.

IX
612
2

Quod apte congruit.... mystice B. Virgini et sanctis. Iris enim symbolum est misericordiæ et gratiæ Dei, a quo omnis sapientiæ decor, odorque, dimanat. Rursum iris symbolum est incarnationis Christi; hæc enim est quasi arcus cœlestis habens duo cornua, id est duas naturas, divinitatem scilicet et humanitatem, uti septem analogiis ostendi *Genes.* ix. 13. Ab incarnatione autem Christi omnis B. Virginis nostraque sapientia et sanctitas derivantur. Quare licet illa ante Verbi conceptionem et incarnationem plena esset gratia, uti salutata est ab angelo, tamen mox ubi Verbum in se concepit et comparavit, quasi plena Deo mirabiles sapientiæ et

sanctitatis odores et ardores in Iudaea, ac deinde per universum orbem sparsit.

22º VARIA PRIVILEGIA EI DATA QUÆ NOBIS
SUNT INCOGNITA.

^{VI}
⁵⁰⁹
²

Non timebit domui suæ a frigoribus nivis: omnes enim domestici ejus vestiti sunt duplicitibus. (Prov. xxxi. 21.) — Hæc omnia facile est adaptare B. Virginim; ipsa enim vestita fuit ueste duplice et coccinea bis tincta, id est ardenti charitate Dei et proximi, juxta illud *Psalm. xlii*: *Omnis gloria filia regis ad iunctus, in fimbriis aureis circumamicta varietatibus, puta omnium virtutum varietate.* Interioris enim hominis, puta mentis, uestis aurea est caritas; exterioris hominis vero uestis est modestia et continentia, quæ cæteras virtutes complectitur. Rursum ip'a duplice ueste, scilicet vita activa et contemplativa, dotata fuit.

Porro pretiosissima fuit ejus charitas, tum quia superveniens in eam Spiritus sanctus, qui per essentiam, imo ex vi processionis suæ est increatus amor et charitas, totum se cum illa virgini infudit; tum quia ipsa continuos et ardentes hujus amoris actus eliciens, eam immensis incrementis adaugebat; tum quia ipsa heroico charitatis actu crebro et quasi assidue se cum filio, Deo in holocaustum morti pro salute hominum devovebat: cuius actus undequaque pretium et meritum erat ingens, et nobis incomprehensibile.

23º EJUS DUODECIM PRÆROGATIVÆ.

In capite ejus corona stellarum duodecim. (Apoc. xii, 1.) — S. Bernardus, in hæc Apocalypsis verba, per hos duodecim stellas accipit duodecim prærogativas gratiarum, quibus præ cœteris coronatur B. Virgo. « Nam primo, ait, singularis fulgor refulget in Mariæ generatione; secundo, in angelica salutatione; tertio, in Spiritus superventione; quarto, in Filii Dei inenarrabili conceptione; quinto, quod virginitatis sit primiceria; sexto, quod sine corruptione fœcunda; septimo, quod sine gravamine gravida; octavo, quod sine dolore puerpera; nona est mansuetudo pudoris; decima, devotio humilitatis; undecima, magnanimitas credulitatis; duodecima, martyrium cordis: quæ deinde fuse prosequitur. (Vide infra. B. MARIE VARIE VIRTUTES, XXI, 238, 1 et seq.)

XXI
238
1

24º CUR JOSEPHO NON DIXERIT SE DE SPIRITU SANCTO CONCEPISSE.

Joseph autem vir ejus, cum esset justus, et nollet eam traducere, voluit occulte dimittere eam. (Mat. 1, 19.) — B. Virgo ex modestia noluit ultro secretum hoc divinum Josepho pandere, ne sua dona tanta et tam divina jactare videretur, sed Deo, Deique prævidentiae, et curæ cuius totum hoc opus erat, id ipsum resignavit, certissime confidens Deum suam innocentiam et famam tutaturum, ac rem totam opportune vel patefactum, ut paulo ante Elisabeth cognatæ patefactum esse experta erat, veldirecturum

XV
66
2

omnia ad majorem suam gloriam, consequenter ad majorem conceptionis hujus honorem et veneracionem.

Unde vide hic et mirare magnanimitatem et magnanimam B. Virginis in Deum resignationem et confidentiam, qua omne hoc suspicionis sinistræ et infamiae periculum metumque discussit: qua in re rarum dedit exemplum æquanimitatis et constantiae uxoribus quæ maritos habent zelotypos, æque ac fiduciae in Deum, ut sperent quod Deus innocentiam et castitatem eorum pandet, proteget et celebrabit, uti hic fecit B. Virginis. Ita Hyeronimus: « Hoc, ait, testimonium Mariæ est, quod Joseph, sciens illius castitatem et admirans quod evenerat, celat silentio cuius mysterium nesciebat. » Et S. Ambrosius, *in cap. I. Lucæ*: « Maluit, ait, Dominus quosdam de sua generatione, quam de matris pudore dubitare. »

Hinc videtur S. Joseph non fuisse comitatus beatam virginem, dum ipsa mox a conceptione Christi visitavit S. Elisabeth; si enim fuisset comitatus, vidisset et audisset magnalia et mirabilia de B. Virgine quæ omnem ei scrupulum exemissent, nec de ejus demissione cogitasset, ac præsertim illud quod dixit S. Elisabeth B. Virginis: *Unde hoc mihi, ut veniat mater Domini mei ad me?* Unde enim scivisset B. Virginem non tantum concepisse ex Deo, sed concepisse ipsummet Deum, eumque utero suo gestare. Nota: Joseph hic vocatur justus, id est probus, ut pote qui ex charitate vellet conjugis suæ famæ, imo et dignitati consulere, dum eam occultere dimittere cogitat qua se putat indignum. Censem, Hieronymus et Theophylactus lege veteri præceptum fuisse maritis ut uxores, si adulterium commisissent, tra-

ducerent et apud judices accusarent traderentque puniendas. Verum nullum locum in quo id præceptum sit afferunt. Nam locus ille, *Num. v, 2*, id tantum permittit, non vero præcipit; sed ut dixi, hoc crimen procul aberat a B. Virgine, et ejus suspicio procul a Josepho.

25º EJUS RESIGNATIO ET IN DEUM CONFIDENTIA.

(Vide superius, xv, 66, 2.)

